

CS (MAIN) Exam : 2017

STH-C-BDO

बर'

(मावथारनो गोनां)

सम थिखानाय : थाम घन्टा

गासै नाम्बार : 300

सोंथि बिलाइनि थिखानाय बिथोन

सोंथि बिलाइखौ फिननायनि सिगां गाहायाव होनाय बिथोनखौ मोजाडै फराय

गासैबो सोंथिनि फिननाय हो।

फिननायनि नाम्बारा सोंथिनि उनाव होखानाय दं।

फिननायखौ बर' (देवनागरि हांखो) रावजों आरो सोंथि बादियै हो।

सोदोबनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन।

फिन बिलाइनि आगसिथि बिलाइयाव थानाय लांदां बिलाइखौ मोजाडै दाननानै होनांगोन।

BODO

(Compulsory)

Time Allowed : Three Hours

Maximum Marks : 300

QUESTION PAPER SPECIFIC INSTRUCTIONS

Please read each of the following instructions carefully before attempting questions

All questions are to be attempted.

The number of marks carried by a question/part is indicated against it.

Answers must be written in BODO (Devanagari script) unless otherwise directed in the question.

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

- (a) गोमोखोनि बांद्राइ बाहायथाया खैफोद लाबोयो
- (b) दोहोरोम बासियै (Secularism) आनो सुबुंदारानि गोहो
- (c) डिमनेटाइजेसन (Demonetization) जौ भारतीय रांखान्थियाव गोलाउ सम-सिमा मुलाम्फा जागोन
- (d) आयुर्बेदिक-खान्थिनि फासैं सोनाबारि हादोरफोरा गोसो बोखथाबयो (Attraction)

2. गाहायाव होनाय खोन्दोखौ मोजाडै फराय आरो उनाव होनाय सौंथिफोरखौ रोखा, सैथो आरो रोजोब रावजौ फिन हो :

12×5=60

गोसोनि थाखाय बयनिखुइ हामसिन आदारा जादों बिजाब। सासे बिजिरगिरिया मख'दों दि सुबुं हारिया जायखौ सानबाय, मावखांबाय आरो मोनबाय, बेफोरो बिजाबफोराव बोनथुमजानाय। सुबुं सोदोमसि आरो हारिमु जौगानाइनि गाहाम बिमुंखौ बिजाबनोनो होनांगोन। बिजाबफोरनि गोनांथि आरो बेसेना रावजौबो रुजुजाया। बिजाबफोरा गाववारि इसि गोसोखौ गियान होयो। मोजां बिजाबफोरा सुबुंखौ जुनादनिफ्राइ ईसोरसिम लाबोनो हायो। बिसोरनि गुन डिसपजिसन (virtues disposition) खौ सिरि मोनहोनानै बिखौ लामा आन्दाइनाइनिफ्राइ रैखा खालामो थामहिन्बा, सुबुं, समाज आरो हादोरखौ गाहाम लामा दिन्थियो। बिजाबफोरा जौखौ गोसो आरो मेलेमयाव गोजोरै गोहोम खोखलैयो आरो बेयो थुलुंगाखांनाइबो होयो।

बिजाबफोरा रंजानाइनि बेलायावबो सुबुंनो खराग होयो। बेयाव रंजानाइनि ओंथिया खालि मिनिनाइ-रंजानाइजौल' नडा, बबेखानि रंजानाइनि ओंथिया गोथौ। जायफोर बिजाबफोरा फरायगिरिफोरनि गोसोखौ गोथौयै बिलिरो आरो बिसोरनि गोसोखौ ऐंगेज (engage) खालामना लायो बेनो थार ओंथियाव रंजाथायारि बिजाबफोर। जाय बिजाबा फरायग्राफोरखौ जेसेबां गोथौयाव लाडो, बेयो एसेबांनो रंजाहोग्रा जायो। बेबादिनो, सा-साज्रां थुनलाइनि गोनांथियाबो बाडाइ नडा। बे रोखोम थुनलाइया सुबुंनि नारथाइ (stress) खौ मोनसे सिमा सिम खमाइनानै होयो आरो बिनि लोरबां स्पिरिट (spirit) खौ गाहाम खालामो।

मोजां बिजाबफोरा सुबुंनो गियान आरो रंजानाइ होयो। बिज्ञान, फालांगि, आरिमु आरो आयेननि बिजाबफोरा सुबुंनि गियानखौ जौगा होयो। बेफोरखौ फराइनानै सुबुडा गावनि इसि गोसोनि बोलोखौ बांहोयो। थार बाश्चाया बेनो दि बिजाबफोरा जौखौ गाहाम लामा दिन्थिगिरि। बेयो जौनो गोदान गोदान बिर्थि आरो गुमुरफोरनि गियानथ' होयो, लोगोसे साननो आरो बेरखां होनोबो बाइद' (compel) खालामनानै होयो। बिजाबफोरा सुबुंनि दुथां आखुखौ फोजोबनानै गोखौंथि होफैयो। गान्धीजीआ 'गीता'खौ गावनि बिमा बिमुं होदों मानोना मोनफ्रामबो गोब्राब थासारियाव बिनो आगोर होदोंमोन। बिजाबफोरा बेबादिनो आगोर होग्रा, जाय साजाबो होया आरो रागाबो जोडा आरो बेनि बदलै मुंबो लुबैया नाथाइ एखे समावनो गावनि थैनो रोडै खान्थि (essence of immortality) होनायावबो फेलैं खालामा।

बिजाबफोरा सुबुंनो थार सुखु आरो दद्र'थि (calmness) होयो। बिजाब मोजां मोनग्राफोरा बइनिखुइबो बोर सारसिजानाइ सुबुं। बियो जिउवाव माब्लाबो लांदां मोन्दांनाइ नडा। बिजाबफोरनि सायाव आबुडै सोनारनानै थानो हायो।

साननाइ (बिजिरनाइ)नि दावहायाव बिजाबफोराल'नो मोनसे आइजें (अस्त्र)। बिजाबफोराव थानाइ साननाइ-ह'नाइफोरा गासै समाजखौ गुस्लाइहोनो हानाइ गोहो दंजायो। दिनैनि संसारा साननाइनिनो संसार। समाजाव जेब्लानो माबा मोनसे सोलायनाइ फैयो एबा जांखुथाइ जायो, बेनि गुदियाव माबा मोनसे सान्दांथि थायो। बइनिखुइ साबसिन बिजाबफोरा समाजाव गोदान

सानखांथिनि दाहार लाबोयो आरो समाजाव सुबुं जांखुथाइ लाबोनानै गावनि गोनांथार बिफावजों खाबु होफैयो। बिजाबफोरखौ फरायोब्ला सुबुंनि गोसो बिथिडा गुवार जायो आरो साननाइ-ह'नाइफोराबो गोथौ जायो।

बिजाबफोरा एरैबादि इटारनेल ट्रेसार (eternal treasure) जाय आगु जोगोरनि रोंमोनथाइफोरखौ इयुन जोलैनिसिम जोबोद गाहामै लाबोनै होफैयो। बिजाबफोराव थानाइ गियानखौ रावबो फोजोबस्रानो हाया। सुंथाबै, बिजाबफोरनि बेसेनखौ रुजुनो हाया।

(a) मानो बिजाबफोरनि बेसेनखौ रुजुनो हाया?

(b) बे लिरथिजों लिरगिरिनि बुंथिनाया मा ओंथि होदों जे 'रंजानाइनि ओंथिया गोथौ' होन्नानै?

(c) मानो बिजाबफोरा जोंनि थार लामा दिन्थिगिरि?

(d) गान्धीजीआ 'गीता'खौ बिमा बिमुं मानो होदों?

(e) बिजाबफोरा समाजाव गोदान साननाइखौ माबोरै फोसावो?

3. गाहायाव होनाय खोन्दोनिफ्राय थाम बाहागोनि से बाहागोजों मोनसे सुंदोब (Précis) लिर। सुंदोबखौ नोंनि रावजों लिर। बिमुं होनो नाडा :

60

गोब्राब खामानि मावनाइयानो संसाराव जाफुंसारनाइनि बइनिखुइ गोनांथार लामा। जोंनि लुबैनाइखौ (थांखिखौ) गोब्राब मावसोमनानै जाफुंसारहोनो हायो। संसारा हाबानि थिलि, कर्म (karma) खालामनायानो जों साफ्रामबोनि धोरोम। जायखि-जाया खामानियाव जों जाफुंसारनाइ मोननो हायो जेब्ला जों गोब्राब खामानि मावयो।

गोब्राब खामानि मावसोमनायानो जिउनि दावगाथाइ लाबोयो। जदि जों खामानि फासैं लेहेम खालामो जिउनि खारथायाबो थाद'गोन। अलसियाआ जोंखौ एरैबादि फासैं लाडो दि बेनि आथुमनिफ्राइ खारग' नांगौवा जोबोर गोब्राब, जेराव मावथि सुबुडा गासै रोखोमनि हेंथाफोरखौ जुजिनानै सिगां फासैं दावगालांनानै बां-रोखोमारि जाफुंसारनाइनि मुंखौ लानो हायो। गोब्राब खामानि मावग्रा सुबुडा गावनि खाफालाव सोनारा बबेखानि बियो गोसो होनानै दावगालांबाय थायो। गोब्राब खामानि मावनाइनि बदलै जाफुंसारनाइ मोनाब्लाबो सासे मावथि सुबुडा निराशा जाया। बियो गावनि फेलें जानाइनि जाहोनफोरखौ मोन्दांनो नाजायो, बियो गावनि गोरोन्थिफोरखौ फोसाबनो खामानि मावयो जाहाते बियो जाफुंसार जानो हायो।

बे भुमाव जों आगान-आगान फ्रामबो जुजिनानै गावनि लामाखौ दिहुननांगौ। जायखि-जाया जों जेसेबां सक्तिगोनां आरो सम्पतिगोनां जाया मानो जदि जों मावथि जायालासे थायोब्ला, अब्ला खालि गोसो होनायनि गेजेरजोल' थांखि फासैं सहैनो हाया। संसाराव जेसेबां महापुरुष जादों बिसोरनि गुदियाव दं खामानि मावनाइनि गोहो आरो बोलोआनो गुबै।

जोंनि समाजाव गोबां बेबादि खाफालाव सोनारग्रा आरो नियतिबादी सुबुं नुनो मोनो। बिसोर बादि सुबुंफोरा समाजखौ जौगा होनायाव हेंथा होयो। दिनैसिम रावबो खाफालाव सोनारग्राफोरा मुलुक-संसाराव गिदिर खामानि मावनो हायाखै। गासै गिदिर इनभेनटसनस, दिहुनथाइ आरो सोरजिथाइफोरा गोब्राब मावसोमनाइनि गेजेरजोंसो जाथाव जाबोदोंमोन। जोंनि सम्पद आरो रोंगौथिफोरा खालि सोदाडोल' जे जाय जोंनि लामा हान्थिनाइयाव हेफाजाव होयो नाथाइ खालि गोब्राब खामानि मावसोमनाइनि गेजेरजोल' जों जोंनि थांखिसिम सौहैनो हायो।

खामानि मावनाइजों मुंदांखा आरो जौगाखांनइ—मोननैबो मोननो हायो। जेब्ला जों गावनि मावनां खामानिनि बिबानखौ मावफुडो अब्ला जों गोसोखौ रोखोमसे गोमोथाव गोजोनग्लाइनाइ मोननो हायो। गोसो सिडावनि गासै पापफोरा सुस्रां जायो आरो गोजोन-सान्ति मोन्दाडो। खामानि मावथि मानसिनि थाखाय जेबो बेबादि पुजा-पाताल खालामनांगौ गोनांथि गैया।

बिनि मावथांखिया मावनां हाबाखौ मावफुंनाइल'। जेब्ला आबादारिया सानसेनि खामानि मावखांनाइनि उनाव बेलासि समाव गावनि नआव खुसि गोसोजों दोंसे खुगा मेथाइ रोजाबो अब्ला बिनि गारांनि देंखोया सोर्गोनि देंखोजों आबुं जायो।

सावस्त्रियारि खामानि मावनाया गोजोननाइ आरो गोगो देहा होयो। दिनै सुबुं हारिया सावस्त्रियारि खामानि मावनाइनि आंखालाव गोबां बेमारि मानसि नुनो मोनसै। सावस्त्रियारि खामानि मावनाया साफ्रोम सुबुंनि थाखाइ गोनांथार। बुडाब्लाबो जायो दि सावस्त्रियारि खामानि मावग्राफोरा आयु गोलाव जायो। बेबादिनो बुंनाय जायो दि मोनसे मोजां गोसोखौ मोजां सावस्त्रियावसो मोननो हायो। बियो गोथौनिफ्राइ गोथौसिन खारिथि (तत्थ) खौबो गोलेँयै आजावना लानो हायो। गोब्राब थासारियावबो बियो गाब्राया बबेखानि साहसजों बेखौ जुजियो। बियो गासै जेंना सुस्रानाइनि लामा नागिरनानै लायो। मानसिक खामानिनि गोनांथिखौ बुजिनानैनो जोंनि ऋषिफोरा धेनयाव थायोमोन आरो सुबुंहारिनि मोजांखौ रिफिखांहोयो।

गोब्राब खामानि मावसोनाइनि गुबुन मोनसे थि ओंथिबो दड; बे ओंथियाव गोब्राब खामानि मावसोमनाइहा दिहुनथाइलु आरो दिहुनथाइगैयैबो बुंनो हायो। हालुवावा परिस्रमजों आबाद दैखाडो, बेयो दिहुनथाइलुवाव गोल्गोन। खेला गेलेनाय आरो ब्याम खालामनायाव जाय खामानि मावनाय जायो बेखौ दिहुनथाइगैयै बुंनो जागोन। नाथाइ बेबादि खामानि मावनायावबो बेनि गोनांथि थायो। गान्धीजीआ बुंनो मोन दि जदि खामानि मावफुंनाय जायो अब्ला मानो दिहुनथाइलु हाबा मावनाइ जाया। गान्धीजीआ गासै रोखोमनि हाबा मावनाइयाव गोजोनग्लानाइनि मोन्दांथिखौ लादोंमोन।

जाय हादोरनि सुबुंफोरा मावथि जायो बे हादोरा जौगाखाडो। जापान आरो जार्मान हादोरा गिलु-बालु मुगैथाव मुलुक दावहानि उनाव गोब्राब खामानि मावनाइनि गेजेरजों गावसोरनि आंगो हादोरखौ दाफामफिनदोंमोन।

जोबथारनायाव, बेबादिनो बुंनो हायो दि गोब्राब खामानि मावनायानो जिउनि सुखु आरो सोरजिनिबो गुदि होननानै।

(499 सोदोब)

4. गाहायनि खोन्दोखौ इराजियाव राव दानस्ताय :

20

मुंदांखा उदांसि दावहारु राजर्षि पुरुस'त्तमदास टेण्डनआ एलाहाबाद मिउनिचिपालिटि बर्डनि मासिगिरिनि बिबानखौ 1919 इं मायथायाव आजावदोंमोन। बेयो बिनि थाखाइ गोब्राब सममोन मानोना बे मिउनिचिपालिटि बर्डनि मासिगिरियाथ' नंगौमोनानो नाथाइ इराजफोरनि सुखुवा-बुखुवा खालामनाइ आरो कष्ट' होनाइमोन दि साधारन भारतीयनि थाखाइ बिसोरनि गेजेराव खामानि मावनो हानाया गोब्राब थारमोन। बिबान आजावखांनायनि उनावनो टेण्डनजीआ नुदोंमोन दि मिलिटारि केन्टनमेन्टनि फाइखिफोरा दैखौ बाहायनाइमोन नाथाइ खाजोनाहोयामोन। बियो फाइखिफोरनि अफिसारनिसिम नटिस हरासै दि जदि इराजफोरा दानसेनि गेजेराव खाजोना होयाब्ला दै-हरनाइखौ बन्द' खालामनाइ जागोन।

बे नटिसआनो केन्टनमेन्ट, गासै सहर आरो मिउनिचिपालिटियाव दावराव-दावसि खालामदोंमोन। ओनसोलनि खौरां बिलाइयाव टेण्डनजीनि अर्डाखौ मोजाडैनो सेबखांनानै फोसावनाइ जादोंमोन। नटिसनि जोबथा सानखालि दै-हरनाइखौ बन्द' खालामनोसै समाव फाइखि हान्जानि अफिसारआ मिउनिचिपालिटि बर्डनि अफिसाव सौहैयो आरो बिसोरनि गेजेराव देरसिन अफिसारआ टेण्डनजीखौ बुंबाय दि नोंथाडा केन्टनमेन्टनि दै-हरनाइखौ बन्द' खालामनो हाया। टेण्डनजी बिथाडा द'द्र'यै बुंबाय दि जदि दिनै खाजोना जमा होनाइ जायाब्ला, अब्ला दै-हरनाइनि कानेक्टसनखौ गाबोन दानस'नानै होनाइ जागोन।

अफिसारआ रागाजोंनानै होखावनाइसै नाथाइ टेण्डनजीआ दलरै थादोंमोन। जोबथारनायाव मिलिटारि अफिसारआ दोरोदलादोंमोन। बे अफिसारआ एक्साइटमेन्ट अबस्थायावमोन। टेण्डनजीनि थान्दा आरो गोमजोरथिखौ नुनानै बयबो मानसिफोरा गोमोहाबदोंमोन।

अखानायै केन्टनमेन्टनि मिलिटारि अफिसारआ खाजोनाखौ जमा खालामदोंमोन।

5. गाहायाव होनाय खोन्दोखौ बर'याव राव सोलाय :

20

In ancient times in most civilized countries, for example in Egypt, Iraq, India, China and in the Roman Empire, many great irrigation works were constructed. In very hot countries, water is even carried in underground channels to prevent it from being evaporated by the sun's heat. In modern times, great dams have been built across rivers and these are used for more than one purpose, hence they are called multipurpose undertakings. Firstly, such dams help to prevent floods, by controlling the amount of water which rushes down a river in the rainy season. This also prevents an enormous amount of damage and loss to farmers. Secondly, by storing up great quantities of water in the artificial lakes behind the dams, irrigation can be provided for many acres of land in the dry season, so that crops can be grown where none would have grown before. Thirdly, the people in the towns and cities in the neighbourhood can be certain of getting a sufficient supply of water for drinking and other purposes, even in the driest weather. Fourthly, the water stored up behind the dams is made to generate electric power by letting it run through turbines.

6. गाहायाव सौलुफोरनि फिन हो :

10×4=40

(a) गाहायाव होनाय बाश्त्राफोरखौ मोनसे सोदोबजों फोरमाय :

2×5=10

(i) हाबायाव हिनजाव गोदान गानग्रा दखनानि मुं—

(ii) गं मैयै मोसौ—

(iii) अखा हादैनि दै—

(iv) औवाजों हेबनाइ माइ दोनग्रा—

(v) थास' बिसंजों ना-गोरानखौ देनानै औवा हासुडाव जानो दोननाइ—

(b) गाहायाव होनाय बाश्त्रा फान्दायफोरखौ ओथि होनाय बाश्त्रा दा :

2×5=10

(i) आसि थाइसे

(ii) सालाइ बिजौनि बाश्त्रा

(iii) गोसो गुदुं

(iv) बिबु गोलाउ

(v) मेगन बेरसां

(c) गाहायनि थाइजा दाजाबदाखौ बाहायनानै मोननै-मोननै बाभ्रा दा :

2×5=10

- (i) -खलें
- (ii) -दाव
- (iii) -स्लिं
- (iv) -खार
- (v) -देर

(d) गाहायाव होनाय बाभ्रा भावखौ गुवारै बेखेव :

5×2=10

- (i) गराइ नुब्ला सिं बायो।
- (ii) अन्द्राखारियाव आगान थाया।

★ ★ ★